



FOTO RALPH FEINER/52BESTEBAUTEN.CH

## Il cuntrapunct da Könz

■ (ls/fmr) Al pe dal mir da fermada colossal da Zervreila, entadim la Val S. Pieder, ha l'architect engiadinais Iachen Ulrich Könz (1899–1980) mess in cuntrapunct cun sia centrala idraulica. Quella è leva enstagl greva, planiva enstagl auta, eleganta e fina enstagl groppa e cri-

va. Gist cun la referenza dialectica cun il mir d'artg gudogna la centrala forza e preschientscha. Sias paraids e ses tetg da betun paran bunamain da palpìri. Ed er la direziun dinamica vers anora ed ensi dat l'impressiun che l'edifizi fiss pront per sgular davent. Uschia vegn

la «pitschna» centrala da Könz da far frunt dapi 1958 al mir.

La centrala da Zervreila è in da 52 edifizis che la Lia grischuna per la protecziun da la patria preschenta en il decurs da quest onn per sensibilisar per la cultura architectonica en il Grischun.